



ЛЕЗГИ Газет

**Жуван Ватан, ватанэгълияр,
дидед ч'ал хуьх!**

Хушбахтвал хъана кланзава!

**Чернобылдин АЭС-дал хъайи авариядин ч'уру нетижаяр арадай акъудунин карда иштирак авур гъурметлу ксар!
Гъурметлу дагъустанвияр!**

30 йис идалай вилик Чернобылдин АЭС-дал арадал атай авария инсаниядин тарихда лап ч'ехи бедбахтвилез элкъвена. Ада хейлин агъалий-риз, экономикадиз, тебиатдиз зурба зиянар гана.

Чна, чпин сагъламвал хаталувилик кутуналди, техногенный еке мусибатдин ч'уру нетижаяр арадай акъудай дагъустанвийриз сагърай лугъузва ва, инсанар радиациядин акъалт'ай хаталу тагъсирдикай ва ам чукуникай хуьналди, чпин къуллугъдин, аскервилик ва граждавилик буржи тамамар-дайла виридалайни, багъади тир чанар къурбанд авур ксар, къил агъузна икрам авуналди, рикел хжизва.

Чернобылда авариядин ч'уру нетижаяр арадай акъудай ч'авуз агъурралди инсанри, гъа гъисабдай яз 2500 касдилаи виниз чи ватандашрини,

► 4

1920 – йисалай акъатзава

№ 16 (10713) хемис 21 – апрель, 2016 – йис WWW.LEZGIGAZET.RU

Къимет “Дагпечатдин” киоскрай - 10 манат

Уьлкведин къили россиявийрин суалриз жавабар гана

Ачухдиз ва михьидакъаз



14-апрелдиз Россиядин Президент Владимир Путин саки 4 сятда ачух эфирдай россиявийрин суалриз жавабар гана. Программа Евгений Рожковани Валерия Кораблевади къиле тухвана.

Газет клелзавайбурун фикирдиз виридалайни важиблу месэлайрай гайи суалар ва абуруз государстводин къили хгай жавабар теклифзава.

Рекъера гьалтзавай лекъверикай, фурарикай

ВИДЕОСУАЛ: Зи т'вар Екатерина я, за Омскдин патай векилвалзава. Чина рекъерихъ галаз алакълу месэла вилик акъвазнава. Рекъера мукъвал-мукъвал лекъвер, фура гьалтзава, машина хазва, чархар хкатзава. Гъукумди лагъайт'а, и месэлайриз, чи т'лалабунриз сакани фикир гузвач.

В.ПУТИН: Катя, гъикъван тажуб жедай кар ят'ани, месэла гъакъикъатдани хци хъанва, вучиз лагъайт'а са т'имил вахтар идалай вилик чна регионрин рекъерин фондар тешкилна. А фондариз хейлин къадар пулдин такъатар чара ийизва.

Алай йисуз моторра ишлемишдай

кудай шейнал вегъезвай кирсеба налогар къве манатдин артухарунин къарар къабулна. Сифтедай чна вири и пулар регионрин рекъерин фондариз рекъе тун фикирдиз къачунвайди тир. Амма бюджетдихъ галаз алакълу малум тир четинвилер арадал атун себеб яз, Минфинди и къве манат федеральный бюджетдиз вахчун пландик кутазва. За гъисабзавайвал, инал са меслятдал атун ва агъа клан са манат пул регионрин рекъерин фондара тун герек я. Имни тахминан саки 40 миллиард манатдин такъатар лагъай ч'ал я ва и такъатри, за умуд кутазвайвал, рекъерин еридиз тагъсирда.

Къиметрикай

Е.РОЖКОВ: Россияди вичин тарихда муракаб мад са йис кечирмишна: Рагъакидай патасанкция кардик кутуна, нафт'адин къиметар лап агъуз аватна. Статистикади къалурзавайвал, гзаф йисара сифте яз уьлкведа производство агъуз аватнавайди тестикъ хъанва, мажибар агъуз аватзава ва къвалахдин чкайрин къадар т'имиларзава. Амма Россиядин экономикади дурум гана. Ам, Куь амадаг Барак Обамади лагъайвал, аяндарвал къалурайвал, “к'лус-к'лус хъанач”.

В.КОРОБЛЕВА: Москвадай тир Людмила Сафроновади, тебии яз, къиметрикай хабар къазва: “Алатай йисуз за вири хизан патал продуктар маса къачузвай, гъафтедин къене за 5 агъзур манатдин такъатар харжзавай, са йис арадай феиля, яни алай вахтунда за гъафтеда и кар патал 10 агъзур манатдилаи т'имил тушиз пул серфзава. Имни къве сеферда гзаф харжавун лагъай ч'ал я. Гъа са вахтунда Гъукуматди йисан вахтунда пул 12,5 процентдин къиметдай аватна лугъузва. Зуннихъ инанмиш хъун лазим я - Гъукуматдихъ инанмиш жедани, тахъайт'а тувквендай вахузвай чекинихъ?”

В.ПУТИН: Чекинихъни инанмиш хъана кланда, Гъукуматдихъни, вучиз ак' ят'а, за лугъуда. Инал са жуьредин зидвални арадал къевезвач. Гъукуматди йисан вахтунда пул юкъван гъисабдай къиметдай аватуникай рахазва, амма пул 12,5 ваъ, 12,9 процентдин агъуз аватна. Пул къиметдай аватуник чпин пай кутур жуьреба-жуьре крарикай рахайт'а, недай продуктин къиметар хкаж хъун и барадай виле акъадай хъинди я. Алатай йисуз, иллаки йисан

► 2

А.М.ГЪАСАНОВАН гъакъиндай

РД-дин Къилин Указ

1.ГЪАСАНОВ Арсен Мегъамедович, маса къвалахунал эляч'унихъ галаз алакълу яз, Дагъустан Республикадин юстициядин министрдин къуллугъдикай азад ийин.

2.И Указ вичел къул ч'угур йикъалай къуватда гъатзава.

Дагъустан Республикадин

Къил

Р.АБДУЛАТИПОВ

Махачкъала шегъер, 2016-йисан 14-апрель, №99

Х.Э.ПАШАБЕГОВАН гъакъиндай

РД-дин Къилин Указ

1.ПАШАБЕГОВ Ханлар Эдисонович, алай къуллугъдикай азад авуналди, Дагъустан Республикадин юстициядин министрвиле тайинарин.

2.И Указ вичел къул ч'угур йикъалай къуватда гъатзава.

Дагъустан Республикадин

Къил

Р.АБДУЛАТИПОВ

Махачкъала шегъер, 2016-йисан 14-апрель, №100

Ж.Ч.ШАМХАЛОВАН гъакъиндай

РД-дин Къилин Указ

1.ШАМХАЛОВ Жапарбек Чупалаевич Дагъустан Республикадин чилиз ва эменнидиз талуку алакъларин рекъай Комитетдин председателвиле тайинарин.

2.И Указ вичел къул ч'угур йикъалай къуватда гъатзава.

Дагъустан Республикадин

Къил

Р.АБДУЛАТИПОВ

Махачкъала шегъер, 2016-йисан 14-апрель, №101.

А.Ч.АДЖИЕВАН гъакъиндай

РД-дин Къилин Указ

1.Маса къвалахал финихъ галаз алакълу яз АДЖИЕВ Азнаур Чингисханович Дагъустан Республикадин печатдин ва информациядин министрдин къуллугъдикай азад ийин.

2.И Указ вичел къул ч'угур йикъалай къуватда гъатзава.

Дагъустан Республикадин

Къил

Р.АБДУЛАТИПОВ

Махачкъала шегъер, 2016-йисан 20-апрель, №110

Б.М.ТОКБОЛАТОВАДИН гъакъиндай

РД-дин Къилин Указ

1.ТОКБОЛАТОВА Бурлият Мовсаровна, вич алай къуллугъдикай азад авуналди, Дагъустан Республикадин печатдин ва информациядин министрдин къуллугъдал тайинарин.

2.И Указ вичел къул ч'угур йикъалай къуватда гъатзава.

Дагъустан Республикадин

Къил

Р.АБДУЛАТИПОВ

Махачкъала шегъер, 2016-йисан 20-апрель, №111



УЬМУЪР

Махачкъалада урус ч'алай чпихъ авай чирвилер ахтармишай ксарин къадар 100-далай виниз алатна. Адет хъанвайвал, Расул Гъамзатован т'варунихъ галай библиотекада (80 касди) ва ДГУ-дин филологиядин факультетда (43 касди) диктант хъена.

► 19



СПОРТ

Итижлу къугъунрин нетижата 1-чка Ах-цегърин, 2-чка Дербентдин ва 3-чка Къурагърин (и командадик квай Женнет Мегъамедова турнирдин виридалайни хъсан гъужумдайди яз гъисабнава) рушарин командайри къуна.

► 22

воскресенье, 1 мая

ТВ ДАГЕСТАН РГВК

07.00 Новости Дагестана
07.15 Д/ф «Дорога в Дагестан. Табасаран»
07.50 Мультфильмы
08.30 Новости Дагестана
08.45 Х/ф «Отец солдата»
10.25 «Кулинарный мастер-класс» (6+)

ПЕРВЫЙ

6.00 Новости.
6.10 Х/ф «Трембита».
8.15 Х/ф «Полосатый рейс». (12+).

РОССИЯ 1

6.15 Комедия «Кубанские казаки». (12+).

14.00 «Вести». (12+).
14.20 Комедия «Служебный роман». (12+).

НТВ

5.00 Т/с «Ржавчина».
7.00 «Центральное телевидение». (16+).

ЗВЕЗДА

6.00 Х/ф «Чук и Гек».
6.55 Х/ф «Большая семья».
9.00 Новости недели с Ю. Подкопаевым.

22.20 Т/с «Россия молодая».
3.35 Х/ф «Запасной игрок».
5.15 Д/ф «Прерванный полет "Хорьков"». (12+).

REN TV

5.00 Х/ф «Турецкий гамбит».
6.20 Х/ф «Статский советник». (16+).

ПЕТЕРБУРГ - 5 КАНАЛ

8.10 Мультфильмы
10.00 «Сейчас».
10.10 Боевик «Неуловимые мстители». (12+).

ДОМАШНИЙ

7.30 Мелодрама «Любимый раджа». (Индия).
10.00 Мелодрама «Два Ивана». (16+).

ИНДИЯ

0.10 Боевик «Темная лошадка». (12+).



19.00 Т/с «Великолепный век». (16+)

4.00 Драма «Рам и Балрам».
7.10 Комедия «Закон гостеприимства». (16+).

КУЛЬТУРА

6.30 Канал «Евроньюс».
10.00 «Обыкновенный концерт с Эдуардом Эфирировым».

15.25 «Линия жизни». Н. Архипова.
16.20 «Пешком...» Москва православная.
16.45 «Искатели». «След Одиогитрии».

МАТЧ ТВ с 25 АПРЕЛЯ ПО 1 МАЯ

ПОНЕДЕЛЬНИК

6.30 «Ты можешь больше!»
7.30 Новости.
7.35 Все на Матч!

0.30 Д/с «Украденная победа». (16+).

СРЕДА

6.30 «Ты можешь больше!»
7.30 Новости.
7.35 Все на Матч!

13.05 Новости.
13.10 Д/с «Поле битвы». (12+).

ПЯТНИЦА

6.30 «Ты можешь больше!»
7.30 Новости.
7.35 Все на Матч!

10.40 Новости.
10.45 «Спортивный вопрос».
11.45 Новости.

ТНТ с 25 АПРЕЛЯ ПО 1 МАЯ

ПОНЕДЕЛЬНИК

7.00 Т/с «Пригород 2». «Рыба дружба» (16+).

ВТОРНИК

7.00 Т/с «Пригород 2». «Приступ боли» (16+).

17.00-19.00 Т/с «Интерны»
19.30 Т/с «Физрук» (16+).

ПЯТНИЦА

7.00 Т/с «Пригород 2». «Курьца по-кайяски» (16+).

17.30 «СашаТаня». (16+).
18.00 «СашаТаня». (16+).

ВОСКРЕСЕНЬЕ

7.00 «ТНТ.Mix» (16+).
7.30 «ТНТ.Mix» (16+).

Эбеди яз риклера амукьда

Рагнеда РАМАЛДАНОВА

И муьквара Махачкьалада, Расул Гьамзатован проспекта авай 18-нумрадин квалерин цлал, Ватандин Чехи дяведин иштиракчи, Россиядин Федерациядин илимрин лайихлу деятель, Даггосуниверситетдин профессор Михаил (Малла) Вагъабован мемориальный кьул ачухуниз талукьарнавай митинг кьиле фена. Ана Дагъустандин Гьукуматдин Председателдин Сад лагъай заместитель Анатолий Къарибова, Махачкьаладин администрациядин кьилин заместитель Камил Изиева, ДГУ-дин илимдин квалахдин ва инновацийрин рекъай проректор Назир Ашурбекова, ДГУ-дин философиядин ва психологиядин факультетдин декан Мухтар Яхьяева, М.Вагъабован ученикри, багърийри, квалахдин рекъай юлдашри иштиракна.



КЪЕЙД.
Михаил ВАГЪАБОВ 1923-йисуз Ахцегь райондин Усуррин хуьре дидедиз хьана. 1941-йисан октябрдиз адаз Яру Армиядин жергейриз эвер гана. Ам Ватандин Чехи дяведин Гидежадин, Дустилин орденрин, гзаф кьадар медалрин, ДАССР-дин Верховный Советдин Гьуьрметдин грамотадин сагыб я. Адахь "Россиядин Федерациядин илимдин лайихлу деятель", "ДАССР-дин илимдин лайихлу деятель" лагъай виниз тир тиварарни ава.



Шкилар ягъайди - Г. ИСАЕВА

РИКЕЛ ХКИН: Михаил ВАГЪАБОВ, 90 йисан яшда аваз, 2013-йисан 21-февралдиз рагметдиз фенай. Муаллимдин ва дяведин иштиракчи экуь кьамат рикел хуьнин лишан яз Махачкьалада ам яшамаш хъайи квалерин цлал мемориальный кьул алкьурунин Указдал РД-дин Кьили 2015-йисан 21-июлдиз кьул чьугунай.
 Митинг ДГУ-дин проректор Назир Ашурбекова ачухна ва кьилени тухвана. Ада зурба алим ва общественный деятель, Ватандин Чехи дяведин иштиракчи Михаил Вагъабован уьмуьрдин ва зегьметдин рехъ рикел хкана.
 -1946-йисуз ам Стлал Сулейманан тиварунихъ галай Дагъустандин государствонин педагогикадин институтдин тарихдинни филологиядин факультетдик экечна. Сад лагъай курс агалкьунралди акалтирайла, Дагъларин уьлкведа юриствилин кадрияр кьит хьун себеб яз, ам республикадин Гьукуматдин кьарардалди Азербайжандин госуниверситетдин юридический факультетдиз кьелиз ракъурна. 1952-йисуз чи ватандашди вуз агалкьунралди акалтирна. Дагъустандиз хтайла, ада госаппаратда журеба-журе кьуллугьрал, 1963-йисалай, саки зур асирдилай гзаф вахтунда ДГУ-да квалахна, - кьейдна проректорди. Н.Ашурбекова Михаил Вагъабов уьлкведин ва республикадин машгьур

исламоведрикай сад тирдини алава хьувуна. Икь, ада исламоведенидин илимдик еке пай кутурди, идахъ галаз сад хьиз, ам вишелей виниз илимдин квалахрин, гьа гьисабдай яз религиозоведенидин ва исламоведенидин месэлайрай монографиярин, гьакьни Ватандин Чехи дяведин тарихдикай макъалайрин автор тирдални фикир желбна.
 - 2003-йисуз "Ислам ва алай аям" тивар алаз чагдай акъатай квалахдай Михаил Вагъабоваз Дагъустан Республикадин Государствонин премия гана. ДГУ-дин Ученый советдин кьарардалди профессор Вагъабов "Кеферпатав Кавказдин исламдин ахтармишунар" тивар алай центрадин регьбервиле тайинарзава. Чи ватандашдин теклифдалди ДГУ-дин патав религиозоведенидай, философиядин антропологиядай, философиядай докторвиле диссертацияр хуьдай Совет ачухзава. Ада исламоведенидай, ВАК-дин тивар-ван авай журналрин сиягьдик акатай, Россияда сад лагъайди тир журнал ачухна, - давамарна ада.
 Митингдал рахай Анатолий Къарибова Гьалибвиле суварин вилик квай йикъара чи республикадин общественный деятель, машгьур алим ва Ватандин Чехи дяведин иштиракчи Михаил Вагъабоваз са тимил йикъарилай Чехи Гьалибвиле ирсагьибрин парад фидай куьчеда авай квалерин цлал мемориальный кьул ачухун лишанлу вакия тирди кьейдна. Ада хабар гайивал, Михаил Вагъабован хтулрини, гьиле чехи бубадин суьрет аваз, и парадда иштиракда.
 ДГУ-дин декан Мухтар Яхьяева, 18 йисан яшара аваз М.Вагъабоваз Яру Армиядин жергейриз эвер гайиди рикел хкана. Ватандин Чехи дяведин женгера, гьа гьисабдай яз 1942-1943-йисара Сталинграддин женгерани, активдаказ иштиракдайди, гвардиядин штурмовой авиациядин полкуник кваз чи ватандаш Украинадин

1-фрондик кваз дяведа хъайиди, ина адал залан хер хъайиди, госпиталдай ахъайнамазди, ам гьа вич авай полкуниз хъфин хъувурди кьейдна. Дяведин йисара кьалурай кьегьалвилерихъ галаз сад хьиз, ададай илимдин рекъени еке агалкьунар кьазанмишиз алакьайди, гьамиша кьенкьве хъайиди алава хьувуна.
 - ДГУ-да профессор Михаил Вагъабовича кьил кутур гьам илимдин, гьамни педагогикадин крар кьенин юкьузни вилик тухузва, - кьейдна деканди.
 Митингдин эхирдай рахай ДГМА-дин философиядин кафедранин заведующий **Тельман КЪАФАРОВА**, ДГУ-дин теориядин ва тарихдин диндин ва культурадин кафедранин доцент **Садикъ САИДОВА** ва масабуруни чи ватандашдикай яргалди суьгьбетарна. Михаил Вагъабович гзаф медени, гьамиша илимдин ахтармишунрин яцла хъайи, герек чкайрал кьели истемешунар ийидай, гьа са вахтунда инсанрив еке гьуьрметдивди эгечдай кас тирди кьейдна.
 Профессордин хва Нариман Вагъабова вичин ва вири муькьва-кьилийрин тиварунихъай кватл хъанвайбуруз, гьакьни Дагъустан Республикадин ва ДГУ-дин кьиле авай ксариз Михаил Вагъабовичан экуь кьамат рикел хуьнай, гьамшалуьгь риклера амукьдайвал авунай чухсагьул малумарна.



Урус члалай чирвилер ахтармишна

Рагнеда РАМАЛДАНОВА

16-апрелдиз дуьньядин 45 уьлкведа, гьа гьисабдай яз Россиядани, урус члалай диктант (самолетрани, поездрани, гьатта МКС-дани) кхьена. Виликамаз авай малуматрал асаслу яз, цли икьрар хъанвай вахтунда диктант кхъей ксарин кьадар 150 агъзурдалай виниз я.
 И юкьуз Махачкьалада урус члалай чпихъ авай чирвилер ахтармишай ксарин кьадар 100-далай виниз алатна. Икь, диктант чи республикадин меркезда, адет хъанвайвал, Расул Гьамзатован тиварунихъ галай библиотекада (80 касди) ва ДГУ-дин филологиядин факультетда (43 касди) кхьена. Диктантдин автор аялрин машгьур писатель Андрей Усачев тир. Вичин видеообращенида ада диктант кхъизвайбуруз са шумуд меслятни кьалурна, гьа гьисабдай яз сложносочиненный предложенийри артух фикир гунни тлалабна.

вадлувал ахтармишдай мумкинвал гун; члал чир хьунин дережа хкажун; савадлувал деб жедайвал авун тирдини кьейдна.
 Наталья Микотинади чи республикадин агьалийри диктант кхьиникай икь лагъана: "Дагъустанвийри амай вири россиявийрилай ам я писни, я хъсанни кхъизвач. Чна умуд кутунва, алай йисан нетижаярни аладай йисарилай писбур жедач, кхъейбурукай гьар сеферда 2-3 касди "5" кьиметар кьачурди я. Асул гьисабдай, дагъустанвийрин орфография (дуьз кхьинин кьайдаяр) хъсанди я, чехи пай гьалатлар пунктуациядай ахъайзава, имни са акъван чьуру кар туш. Санлай вири уьлкведа гьа и тегьерда кхъизва", - алава хьувуна координаторди.
 - Шад жедай кар мадни ам я хьи, - давамарна ада, - диктакт кхьинин проектдихъ вичин гьамишан иштиракчи ярни хъанва. Идалай гьейри, мадни са хъсан адет арадал атанва: библиотекадин кьуллугьчийри диктант кхьин тешкилуни карда волонтервилеин ве-



РИКЕЛ ХКИН: сад лагъай сеферда тотальный диктант Дагъустанда 2014-йисуз (а члавуз вири санлай 97 касди) кхъенан. Абурукай виридалайни члехидан 85 йис тир, кьве касди и "имтигьандай" "5" кьачунай.
 Махачкьалада, Р.Гьамзатован тиварунихъ галай Милли библиотекада, диктант кхьинив эгечдалди гьечи мярекат кьиле тухвана. Анал Республикадин милли библиотекадин директордин заместитель **Айханум МАМАЕВА** ва Махачкьалада диктант кхьинин координатор **Наталья МИКОТИНА** рахана. Абуру диктант кхъизвайбурун тиварцихъ хуш келимаяр лагъана, "Тотальный диктант" проектин маьсад савадлувлин месэлайрал СМИ-дин ва обществодин фикир желб авун; и кар ийиз кландай, яни диктант кхьинин сергьятра аваз, гьар са касдиз вичин са-

зифаяр кьилиз акьудзава. Икь, абуру иштиракчийриз ам кхъидай чка кьалурзава, бланкар пайиз ва ахпа абур кватл хъийиз куьмекзава.
 Мадни са кардикай хабар гуз кланзава: диктант кхъидай члавуз жуван тивар кьалур тавуртлани, яни жуван тахалус кхъейтлани жезва.
 Кьейд авун лазим я хьи, алай йисуз шегьердин филологрин комиссиядин председател Дагъустандин лайихлу муаллим, РД-дин театррин тарихдин музейдин заведующий **Лилия ЖАМАЛУТДИНОВА** тир. Виридалай важиблу, яни диктант клелзавайдан роль, ДГУ-дин муаллим, филологиядин илимрин кандидат **Муса Асельдерович ГЪАЖИЕВА** тамамарна.
 Диктантдин кьиметар 20-апрелдилай кьулухъ **totaldict.ru** сайтдай чириз жеда.

Виктегвал кьалурна

УНИВЕРСАЛЬНЫЙ ЖЕНГЕР

Гъзурайди - Рагнеда РАМАЛДАНОВА

Алатай гьафтеда Калужский областдин Медынь шегьерда универсальный женгерай ("лайт") итимрин ва дишегьлийрин арада Россиядин чемпионат кыле фена. Ана чи улкведин 37 региондай тир 200-далай виниз спортсменри чпин устадвал ва гъазурлухвал кьалурна. Дагъустанвийрикай кьве спортсмен медалриз лайихлу хьана.



Россиядин ФСИН-дин Дагъустанда авай Управленидин пресс-кьуллугьди хабар гузвайвал, ина зегьмет члугъазвай кьве кьуллугьчи чемпионатдин пьедесталдал хкаж хьана. ИкI, Россиядин ФСИН-дин Дагъустанда авай Управленидин кьенепатан кьуллугьдин лейтенант **Хайбулла МЕГЪАМЕДОВ** (95 кг-дилаи виниз заланвал авайбурун арада) кьизилдин ва кьенепатан кьуллугьдин старший лейтенант, вичин ери-бине Сулейман-Стальский райондин Алидхурелай тир **Аслан КЪУРБАНОВ** (90 кг-дал кьведальди заланвал авайбурун арада) гимичдин медалриз лайихлу хьана.

Чемпионатда кьенкьвечи чкаяр кьур спортсменриз Россиядин спортдин министерстводин медалар ва грамотаяр гана.

Кьейд авун лазим я хьби, винидихъ тиварар кьунвай кьве кьуллугьчиди икьван чавалдини, Россиядин чемпионатра ва международный турнирра кьенкьвечи чкаяр кьуналди, чпин устадвал са шумудра кьалурнай. **РИКЕЛ ЖКИН:** 2015-йисан ноябрдин вацра Калужский областдин Медынь шегьерда универсальный женгерай кыле феи дуйнядин чемпионатда 90 кг-дин заланвал авай спортсменрин арада Аслан Къурбанова (тренер-насигатчи Тельман Къурбанов) кьизилдин медаль кьазанмишнай, дуйнядин чемпионвилдин тиварциз лайихлу хьанай.

Малум тирвал, Россиядин чемпионатдин гьалибчийри ва призерри Россиядин хьанавай командадик кваз универсальный женгерай международный акъажуна ва турнирра иштиракда.

Гьалиб хьана



ВОЛЕЙБОЛ

Дашдемир ШЕРИФАЛИЕВ

17-апрелдиз Дербент шегьерда, 6-нумрадин ДЮСШ-дин ва 20-нумрадин юкьван чирвилерин школадин спортбазайрин бинедаллаз, "Спорт наркотикризни террордиз акси я!" лишандик кваз ва физкультурадинни спортдин рекъай РД-дин лайихлу работник **Магьмуд АЛИМИРЗОЕВАН** экуь кьамат рикел хкуниз бахшна волейболдай дишегьлийрин командайрин арада республикадин турнир кыле фена. Ана Дагъустандин шегьеринни районрин гужлу 8 командадин жергеда аваз Ахцегь райондин волейболисткайрини иштиракна. (Шикилда: тренерар - **Нурамет Мутталибов** ва **Мегьамед Парпачев**)

Тебрикдин гаф рахуналди, тунир Дербент шегьердин администрациядин кылин заместитель Мегьди Алиева ачухна. Ана гьакI акъажунрин тешиллувилдин комитетдин председатель Далгат Эфендиев, 6-спортшколадин директор Тамерлан Сардаров, турнирдин кылин судья Сабир Абдуллаев ва масабур рахана.

Итижлу кьугьунрин нетижада 1-чка Ахцегьрин, 2-чка Дербентдин ва 3-чка Къурагьрин (и командадик квай Женнет Мегьамедова турнирдин виридалайни хьсан гъужумдайди яз гьисабнава) рушарин командайри кьуна. Тешиллувилдин комитетдинни спонсоррин патай абур талукь тир дережадин медалриз, грамотайриз, кубокриз ва пулдин пишкешриз лайихлу хьана.

Военный пешейрал фикир желбзава

Къагьриман ИБРАГЪИМОВ

Дербент райондин школайрин члехи классра кьелзавай жаванрин арада гьар йисуз "Кьуллугьиз гъазур я" военно-спортивный кьугьунар тухун адетдиз элкьвенва. Мярекатдин тешиллувилдин комитетдин кьарардалди алай йисуз и кьугьунар кыле тухун патал район ругуд зонадиз пайнава.

Ватандин Члехи дяведа Гьалибвал кьазанмишна 71 йис тамам хьуниз талукьарнавай военно-спортивный кьугьунрин кылин метлеб аялриз военно-ватанпересвилдин тербия гунин кьвалах хьсанарун, военный пешейрал фикир желб авун, ЧС-дин ва экстремальный шартлара кыле тухунин чирвилерин дережа хкажун я.

И мукьвара Белиждин гимназияда сад лагъай зонадик акатзавай командайрин арада (Белиждин гимназия ва Белиждин СОШ № 4) военно-спортивный кьугьунрин сад лагъай пай кыле фена. Мярекатда Дербент райондин военный комис-



сариатдин отделенидин начальник **Октай БАГЪИШЕВА**, райондин спортдин отделдин кылин пешекар **Ариф АСЛАНБЕГОВА**, бязи школайрин директорри ва военрукри иштиракна.

Кьугьунин шартларди и акъажунра 9-11-классра кьелзавай рушарини гадайри чпин алакьунар кьалурна.

Гъазурнавай программадик жа-

ван армейцийрин иштиракчийрин командайр кьалурун (представление), турнирдал алакьунар кьалурун, противогаз алукьун, пневматикадин винтовкадай лишанар ягьун, автомат чукьурна кватI хьувун, пут (16 кг.) хкажун квай.

Жюридин кьарардалди 1-чкадиз Белиждин гимназиядин команда лайихлу хьана. Абуру финалдин кьугьунра иштиракда.

"Шад стартар" кыле тухвана



Манда АГЪМЕДОВА

Са тимил ийкьар идалай вилик Къурагь райондин Спортдин дворецда Виридуьньядин сагьламвилдин ийкьаз талукьарна "Шад стартар" тивар алаз спортдин акъажунар кыле фена. Абурун тешиллатчи райондин физкультурадинни спортдин ва жегьилрин крарин рекъай отдел тир. Ана Къурагьрин 1-нумрадин, Кьепиррин ва Кьиррийрин юкьван школайрин аялрин командайри иштиракна. Акъажунар Россиядин Федерациядин Гимн ягьуналди ва РФ-динни РД-дин пайдахар хкажуналди ачухна.

Кьейд авун лазим я хьби, школьникрин арада ихьтин мярекатар кыле тухунин кылин макьсад районда спорт вилик тухун, аялрин сагьламвал мягькемарун, акьалтзавай несилди сагьлам уьмуьр кечирмишун, гьар са аял ватанперес яз тербияламишун я.

Акъажунрин программадик туп лишан кьуна ахъаюн, цил ялун, алай чкадилаи яргъаз хкадарун, гьар жуьредин чукурунар ва кьугьунар квай. Идалайни гьейри, ял язавай вахтунда командайрик квай гадайрин арада лишанар ягьунай акъажунар кыле тухвана.

ИкI, 3 сятда давам хьайи акъажунра 1-чка Къурагьрин 1-нумра-

дин, 2-чка - Кьиррийрин, 3-чка - Кьепиррин юкьван школайрин аялрин командайри кьуна.

1-чка кьур "Лидер" командадиз жюридин член, райондин образованидин отделдин начальник **Рамазан КАТИБОВА**, 2-чка кьур "Орлята" командадиз Къурагьрин 2-нумрадин юкьван школадин муаллим **Юсуф МИСРИЕВА** ва 3-чка кьур "Динамит" командадиз Къурагьрин 1-нумрадин юкьван школадин физкультурадин муаллим **Герман ИСАЕВА** грамотаяр, медалар ва кубокар, гьакI ина иштираккай амай вири аялризни рикел аламукьдай пишкешар гана.

1-чкадиз лайихлу хьана

ВОЛЕЙБОЛ

Рагьдин ЭМИНОВ

И мукьвара Дагъустандин Огни шегьерда рушарин командайрин арада РД-дин Кьиблепатан зонадин кьенкьвечивал патал волейболдай турнир кыле фена. Ада 1999-2000-йисара дидедиз хьанвай рушари иштиракна. Финалда чи райондин волейболисткайр Къайтагь райондин командадихъ галаз кьугьвана, 1-чкадиз лайихлу хьана. Жегьил спортсменкайр тир Каминат Султановади, Роза Гьажикьулиевади, Эрзи Исмаиловади, Самира Мирзоевади, Живержат Мусанабие-

вади, Жульета Муспагьовади, Пери Исмаиловади, Елена Авгопулоди кьугьунра гьам физический ва гьамни технический рекъай хьсан гъазурвал кьалурна.

Кьейд авун лазим я хьби, волейболдай чи рушарин командадин нубатдин гьалибвилек абурун тренерар тир Н.Мутталибован, Б.Нуррагьмедован ва М.Парпачеван лайихлу пайни ква. Душьюшдикай менфят кьачуналди, чаз чи волейболисткайриз ва абурун тренерриз и агалкьун риклин сидкьидай мубарак ийиз кланзава. Умудлу я хьби, абуру гележегда чун мадни еке агалкьунралди шадарда.

Турнирда 2, 3-чкайриз Къайтагь ва Къурагь районрин командайр лайихлу хьана. Кьенкьвечи чкаяр кьур командайриз талукь тир дережайрин дипломар гана.

